



孔氏家語卷第一

王

肅

注



相魯第一

孔子初仕為中都宰中都魯邑名制為養生送死之

節長幼異食如禮五十異糧六十至九十食各以漸加異也強弱異任任謂力作之事

男女別塗路無拾遺器不彫偽不彫偽無文節

各從所任不用弱也為四寸之棺五寸之槨以木為之因丘陵為

墳不聚土起故不樹不植松柏以行之一率而西方

之諸侯則為魯國在東故西方諸侯皆則之定公謂孔子曰學子

此法魯國何如

孔子對曰雖天下可乎何但魯國而已哉於

是二季定公以為司空乃別五土之性五土一曰山林

二曰川澤三曰丘陵四曰墳衍五曰原隰而物各得其所生之宜所生之物各宜其性

咸得厥所先時季氏葬昭公于墓道之南季平子逐

昭公死于乾侯平子別而葬之貶之不令近先公也孔子溝而合諸墓焉謂季桓

子曰桓子平子之子貶君以彰己罪非禮也今合之所

以掩夫子之不臣由司空為魯大司寇設法

而不用無姦民

定公與齊侯會于夾谷孔子攝相事曰臣聞

有文事者必有武備有武事者必有文備古

者諸侯竝出疆必具官以從請具左右司馬定

公從之至會所為壇土階三等以遇禮相見

會遇之禮禮之簡畧者也揖讓而登獻酢既畢齊使萊人萊公六季齊滅萊

以兵鼓諺諺子紺切劫定公萊人齊之東夾搯鼓曰諺孔子歷階而進

以公退曰士以兵之吾兩君為好裔夷之俘

敵以兵亂之裔邊裔夷夷族俘軍所護虜言此三者何敢以兵亂兩君之好也非齊君

所以命諸侯也裔不謀夏夷不亂華華夏中國之名俘

不干盟兵不偪好於神盟誓之神為不祥於德為德

德術同義於人為失禮君必不然齊侯心忤魔而

避之有頃齊奏宮中之樂俳優侏儒戲於前

孔子趨進歷階而上不盡一等曰匹夫熒而熒

也。烏迴切侮諸侯者罪應誅請右司馬速加刑焉

於是斬侏儒手足異處齊侯懼有慙色將盟

齊人加載書曰齊師出境而不以兵車三百

藥從我者有如此盟孔子使茲無還魯大夫名對曰

而不返我汶陽之田齊有汶陽田本魯界吾以共命者亦

如之齊侯將設享禮孔子謂梁丘據曰齊魯

之故故舊典也吾子何不聞焉梁丘據舊聞齊魯之故事者事既成矣

而又享之是勤執事且犧象象似兩切不出門犧象樽名嘉樂

不野合享而既具是弃禮也若其不具是用糝

稗也糝穀之不成者稗草之似穀者言享不備禮也用糝稗辱君弃禮名惡子

盍圖之夫享所以昭德也不昭不如其已乃

不果享齊侯歸責其羣臣曰魯以君子道輔

其君而子獨以夷狄道教寡人使得罪於是

乃歸所侵魯之四邑及汶陽之田四邑鄆讎龜陰也汶陽在魯界

按春秋傳及史記鄆讎龜陰為三邑今讎亭龜山及鄆皆在汶北豈併汶而言之乎

孔子言於定公曰家不臧甲卿大夫稱家甲鎧也邑無百

雉之城高丈長丈曰堵三堵曰雉古之制也今三家過制三家魯大夫皆桓公之後孟孫懿子何忌慶父後叔孫州仇叔牙後季孫斯季友後請皆損之乃使季

氏宰仲由墮三都三都費邱成也季孫叔孫孟孫之邑時叔孫州仇先墮邱叔孫

輒以庶子故不得意於季氏因費宰公山弗擾率費

人以襲魯季孫斯將墮費宰公山弗擾與叔孫輒帥費人以襲魯孔子以公定

與季孫斯仲孫孟襄子弟何忌叔孫州仇入於費氏之宮

登武子之臺季孫宿所築臺費人攻之及之臺側孔子

命申句音劬須樂頎音祈勅士衆下伐之費人北

敗諸姑蔑二字乃墮費遂墮三都之城強公室弱私家尊

君卑臣政化大行按春秋傳將墮成公欽慶父謂孟孫曰成孟氏之保障也墮成齊人必至于此

初魯之販羊有沈猶氏者常朝飲其羊飽以

詐欺也市人有公慎氏者妻淫不制有慎潰氏

者奢侈踰法魯之鬻六畜者飾之以儲價及

孔子之為政也則沈猶氏不敢朝飲其羊公

慎氏出其妻慎潰氏越境而徙三月則鬻牛

門無成是無孟氏也子偽不知我將不墮公圍成弗克

按春秋傳將墮成公欽慶父謂孟孫曰成孟氏之保障也墮成齊人必至于此

三家魯大夫

三家魯大夫

三家魯大夫

馬者不儲價賣羔豚者不加飾男女行者別其塗道不拾遺男尚忠信女尚貞順四方客至於邑者不求有司有司常共其職客不求而有司存焉皆如歸焉

言如歸家無所之也

始誅第二

孔子為魯司寇攝行相事有喜色仲由問曰由聞君子禍至不懼福至不喜今夫子得位而喜何也孔子曰然有是言也不曰樂以賢下人乎於是朝政聽朝政七日而誅亂政大夫少

正官卯名戮之於兩觀之下兩觀閹名尸於朝三

日子貢進曰夫少正卯魯之聞人也今夫子為

政而始誅之或者為失乎孔子曰居吾語女

忍與切以其故天下有大惡者五而竊盜不與焉

一曰心逆而險二曰行辟匹亦切而堅三曰言偽

而辯四曰記醜醜謂非義而博五曰順非而澤此五

者有一於人則不免君子之誅而少正卯皆

兼有之其居處足以振振聚也側九反徒成黨其談說

足以飾讓瑩惑也烏切衆其強禦足以返是獨立

此乃人之姦雄者也不可以不除夫殷湯誅

尹諧一作蠅沐文王一作太公誅潘正一作潘趾周公誅管蔡太公

誅華士士之為人虛偽亦聚黨也管仲誅付乙一作附里子產誅史

何一作鄧析凡此七子皆異世而同誅者以七子異

世而同惡故不可赦也詩云憂心悄悄愠于

羣小小人成羣斯足憂矣

孔子為魯大司寇有父子訟者夫子同猶獄猶獄也

猶犴胡犬也善守故名獄。猶部禮反執之三月不別謂辯決其子罪其父請

止夫子赦之焉季孫聞之不說曰司寇欺余

曩告余曰國家必先以孝余今戮一不孝以

教民孝不亦可乎而又赦何哉冉有以告孔

子孔子喟然歎曰嗚呼上失其道而殺其下

非理也不教以孝而聽其獄是殺不辜三軍

大敗不可斬也獄犴不治不可刑也何者上

教之不行罪不在民故也夫慢令謹嚴誅賊

也懲斂無時暴也不試則成虐也故無此三

者然後刑可即也書云義刑義殺勿庸以即

汝心惟曰未有慎事言必教而刑也言刑殺皆當以義勿

用以就汝心之所安又當猶自謂未有使人可順守之事且陳道
德以服之以無刑殺而後為順是先教後刑也

陳道德以先服之而猶不可尚賢以勸之又

不可即廢之荀子作廢不能以單之單盡也謂黜削也又不可而後以

威憚之若是三年而百姓正矣其有邪民不

從化者然後待之以刑則民咸知罪矣詩云

天子是毗俾民不迷毗輔也俾使也言師尹是以威

厲而不試刑錯而不用今世則不然亂其教

繁其刑使民迷惑而陷焉又從而制之故刑

彌繁而盜不勝也夫三尺之限一作岸空車不能

登者何哉峻故也百仞之山重載陟焉何哉

陵遲故也陵遲猶陂陀也今世俗之陵遲久矣雖有刑

法民能勿踰乎

王言解第三

孔子閒居曾參侍孔子曰參乎今之君子唯

士與大夫言聞也至於君子之言者希也於

乎吾以王言之其出不戶牖而化天下曾子

起下席而對曰敢問何謂王者言孔子不應

曾子曰侍夫子之間也難大戴禮作得夫是以敢

問孔子又不應曾子肅然而懼摠衣而退負
也席而立有頃孔子歎息顧謂曾子曰參女

可語明王之道

曾子曰非敢以為足請因所聞而學焉子曰
居吾語女夫道者所以明德也德者所以尊
道也是以非德道不尊非德道不明雖有國
之良馬不以其道服藥之不可以取取趣也
千木切道
里雖有博地衆民不以其道治之不可以致
霸王是故昔者明王內修七教外行三至七

教修然後可以守三至行然後可以征明王之
道其守也則必折衝千里之外其征也則必
還師社席之上故曰內修七教而上不勞外
行三至而財不費此之謂明王之道也曾子
曰不勞不費之謂明王可得聞乎孔子曰昔
者帝舜左禹而右皋陶不下席而天下治夫
如此何上之勞乎政之不中君之患也令之
不行臣之罪也若乃十一而稅用民之力歲
不過三日入山澤以其時而無征關譏市鄣皆

不收賦

譏呵也譏異服異言及市
鄭皆不賦稅古之法也

此則生財之路而

明王節之何財之費乎曾子曰敢問何謂七

教孔子曰上敬老則下益孝上尊齒則下益

弟上樂施

式至切

則下益寬上親賢則下擇友上

好德則下不隱上惡貪則下耻爭上廉上則

下耻節此之謂七教七教者治民之本也政

教定則本正矣凡上者民之表也表正則何

物不正是故人君先立仁於已然後大夫忠

而士信民敦俗樸

樸慤
慤貌

男慤而女貞六者教之

致也布諸天下四方而不窳

薄也

納諸尋常之

室而不塞

室也

等之

等之齊也

以禮立之以義行之

以順則民之弃惡如湯之灌雪焉曾子曰道

則至矣弟子不足以明之孔子曰參以為姑

止乎文有焉昔者明王之治民也法必裂地

以封之分屬以理之然後賢民無所隱暴民

無所伏使有司日省而時考之進用賢良退

貶不肖則賈者說而不肖者懼哀鰥寡養孤

獨恤貧窮誘孝弟選才能此七者修則四海

之內無刑民矣上之親下如手足之於腹心
下之親上如父子之於慈母矣上下相親如
此故令則從施則刑民懷其德近者說服
遠者來附政之致也夫布指知寸布手知尺
舒肘知尋斯不遠之則也周制三百步為里
千步而井三井而埒封道曰埒淮南子曰道有行埒又堤也盧拙反埒三
而矩此說里數不可以言井井自方里之名疑誤五十里而都封百里而
有國乃為稽積資聚焉恤行者有無是以蠻
夷諸夏雖衣冠不同言語不合莫不來賓故

曰無市而民不乏無刑而民不亂田獵罩弋

罩魚籠弋繳射也。罩陟教切

非以盈宮室

為祭與養也

徵歛百姓非以

盈府庫也

備人倫養君子

慘怛以補不足禮節以損有

餘多信而寡貌其禮可守其言可復其跡可
履如饑而食如渴而飲民之信之如寒暑之
必驗故視遠若邇非道邇也見明德也是故
兵革不動而威用利不施而親此之謂明王
之守折衝千里之外者也曾子曰敢問何謂
三至孔子曰至禮不讓而天下治至賞不費

而天下士說至樂無聲而天下民和明王篤
行三至故天下之君可得而知天下之士可
得而臣天下之民可得而用曾子曰敢問此
義何謂孔子曰故者明王必盡知天下良士
之名知周禮大司徒教萬民而賓興卿大夫考其禮
藝獻賢能於王王受而登之天府是也。切既知其
名又知其實按周禮卿論其秀士升之司徒而大樂正大司
馬以次辨論其官材進其士之賢者以告於王
而定其
論是也又知其數如列侯郡守二千石各擇其吏民之賢者歲
舉二人又如都國口二萬以上歲舉二人口
自二萬以至百萬所舉自一
人以至五人各有差是也及其所在焉列侯郡守
各以其鄉然後
因天下之爵以尊之此之謂至禮不讓而天

下治因天下之祿以富天下之士此之謂至
賞不費而天下之士說如此則天下之名譽
興焉此之謂至樂無聲而天下之名和故曰
所謂天下之仁者能合天下之至親也所謂
天下之明者能舉天下之至賢者也疑有此三
闕者咸通然後可以征是故仁者莫大乎愛人
智者莫大乎知賢賈政者莫大乎官能有土
之君修此三者則四海之內共命而已矣夫
明王之征必道之所廢者也是故誅其君而

改其政弔其民而不奪其財故明王之政猶
時雨之降降至則民說矣是故行施彌博得
親彌衆此之謂還師在席之上言安安而無憂也

大昏解第四

孔子侍坐於哀公公曰敢問人道孰為大孔

子愀變色貌七小切然作色而對曰君之及此言也百

姓之惠也固與後寡人實固之固同也臣敢無辭而對人道

政為大夫政者正也君為正則百姓從而正

矣君之所為百姓之從君不為正百姓何所

從乎公曰敢問為政如之何

孔子對曰夫婦別男女親君臣信三者正則

庶物物猶事也從之公曰寡人雖無能也願如所以

行三者之道可得聞乎孔子對曰古之為政

愛人為大所以治愛人禮為大所以治禮敬

為大敬之至矣大昏為大禮以敬為至敬以昏為至大昏至矣

大昏既至冕而親迎親迎者敬之也雖天子諸侯皆冕而親迎

是故君子興敬為親捨敬則是遺親也弗親

弗敬弗尊也愛與敬其政之本與公曰寡人

願有言也然冕而親迎不已重乎孔子愀然
作色而對曰合二姓之好以繼先聖之後以
為天下宗廟社稷之主

此自天子諸侯言之也王以長子言故下曰萬世之嗣也

君何謂已重乎公曰寡人實固

固猶鄙也謂以冕而親迎為已重也

不固安得聞此言乎寡人欲問不能為辭請

少進

一下有教字

孔子曰天地不合萬物不生大昏萬世之嗣也君何謂已重焉孔子遂言曰內以治宗廟之禮足以配天地之神

為宗廟天地神之次

出以治直言

之禮足以立上下之敬

夫婦正則始可以治正言之物禮身正然後可以正人者也

恥則足以振之

恥事不知禮足以振教之

國恥則足以興之

故為政先乎禮禮其政之本與孔

恥國不知禮足以興起之

子遂言曰三代明王必敬妻子也蓋有道焉

妻也者親之主也

冕而親迎為親主於內也

子也者親之後

也者敬身為大身也者親之支也敢不敬與

冠於阼階為親傳其後也

不敬其身是傷其親是傷其本也傷其本則

支從之而亡三者百姓之象也

言百姓之所法而行

身以

及身子以及子妃以及妃君能修此三者則
大化熾至也又及也乎天下矣昔者大王之道也

大王出以姜女入亦姜女國無繆民愛其身以及人之身愛其子以及人之子故曰大王之道也如此國

家順矣公曰敢問何謂敬身孔子對曰君

子過言則民作辭過行則民作則言行雖過民猶從之也

言不過辭動不過則百姓恭敬以從命若是

則可謂能敬其身則能成其親矣公

曰何謂成其親孔子對曰君子者人之成名

也百姓與名謂之君子猶言與之以君子之名也則是成其

親為君而為其子也孔子遂言曰為政而不

能愛人則不能成其身不能成其身則不能

安其土不能安其土則不能樂天安上樂天易中盡性之事

隨處皆安而無一息不仁安土也不能樂天則不成

其身公曰敢問何謂能成身孔子對曰夫其

行已不過乎物謂之成身不過乎物合天道

也合物理之當然公曰君子何譽乎天道也孔子曰譽

其不已也如日月東西相從而不已也是天

道也不閉而能久不閉故常通而能久言無極也是天道也無為

而物成是天道也已成而明之無為維若難名有成功則昭著也

是天道也公曰寡人且愚冥眉兵切幸煩子志之

心也欲煩孔子議識其心所能行也孔子整不自安貌然避席而對曰仁

人不過乎物孝子不過乎物是故仁人之是

親也如事天事天如事親此謂孝子成身公

曰寡人既聞如此言也無如後罪何言寡過孔之難也

子對曰君之及此言是臣之福也

儒行解第五

孔子在衛冉求言於季孫曰國有聖人而不

能用欲以求治是猶却步而欲求及前人不

可得已今孔子在衛將用之已己己國也有才而以

資鄰國難以言智也請以重幣延之季孫以

告哀公公從之事在哀公十一年孔子年六十八矣孔子既至舍哀

公館焉就孔子舍公自阼階孔子賓階升堂立侍公

曰夫子之服其儒服與孔子對曰丘少居魯

衣逢掖之衣深衣之裏大也長居宋冠章甫之冠緇布為之禮冠也

丘聞之君子之學也博其服以鄉隨其鄉俗丘未知

其為儒服也言非所重公曰敢問儒行孔子曰略言

之則不能終其物物猶事也悉數之則留更僕未可

以對留久也僕大僕君燕朝則正位掌擯相更為之久將倦使之相代者也哀公命席

孔子侍坐曰儒有席上之珍以待聘席籍也資

王之道以資政治也夙夜強學以待問懷忠信以待舉力

行以待取忠信則可任力行則可使皆其自立有如

此者儒有衣冠中之仲切動作慎大讓如慢所以自

慢而不敬小讓如偽所以致曲故大則如威小則如媿

大小以容貌言大則有所不可犯小則有所不敢為難進而易退也粥粥若無

能也其容貌有如此者儒有居處齊古文也

難慎重意其坐起恭敬言必誠信行必中正敬也

道塗不爭險易之利冬夏不爭陰陽之和怒也

愛其死以有待也養其身以有為也不爭近小以害遠大

其備預有如此者儒有不寶金玉而忠信以

為寶不祈祈求也土地而仁義以為土地不求多

積而多文以為富難得而易祿也易祿而難

畜也非時不見不亦難得乎非義不合不亦

難畜乎先勞而後祿不亦易祿乎其近人情有

如此者儒有委之以貨財而不貪淹之以樂五教切

好虛到切而不淫劫之以衆而不懼阻難也之以兵

而不攝見利不虧其義見死不更其守鷙鷙蟲

攫搏不程其勇鷙猛擊也蟲疑即毛蟲羽蟲之蟲攫左手握也搏索持也程限量也引重

鼎不程其力喻勇足以犯難力足以任重也往者不悔行必當理故不悔也來

者不豫知足以應變故不預過言不再流言不極流言相毀知足以止

之詎可窮手不斲其威常嚴莊也不習其謀物來順應其特立有如

此者儒有可親而不可劫強取也可近而不可迫

可殺而不可辱其居處不過記作淫侈溢也其飲食不

溽溽濃厚也其過失可微辯而不可面數也疏曰此句似尚氣好勝之

言於理未合其剛毅有如此者儒有忠信以為甲冑

禮義為干櫓干楠櫓大戰也戴仁而行抱義而處雖有

暴政不更其所其自立有如此者儒有一畝

之宮環堵之室方丈曰堵一堵言其小篳門圭窬篳門編荆行為門也圭窬穿牆

為窬如圭也蓬戶甕牖以編蓬為戶破甕為牖也易衣而出更相易衣而後可出

并日而食并一日之糧以為一食也上答答合也之不敢以疑道合則信

而執之不逆詐也上不答不敢以諂不合則去不患失也其仕有如

此者儒有今人以居古人以奢稽同今世行之

後世以為楷法也若不逢世上所不援下所不

推詭諂之民有比黨而危之者身可危也其

志不可奪也雖危起居猶竟信其志乃不忘

百姓之病也身雖危而不行其志道雖塞而不忘其民其憂思有如此

者儒有博學而不窮知新故不窮篤行而不倦可久故不倦

幽居而不淫窮不失義也上通而不困達不離道也禮必以

和優游和也以法有節也慕賢而容衆毀方而瓦合

陶瓦者毀其圓則方合其方後圓和而有辯也其寬裕有如此者儒有內

稱不辟親外舉不辟怨程功積事不求厚祿

上不求報於君推賢達能不望其報下不責報於人君得其志民

賴其德苟利國家不求富貴其舉賢援能有

如此者儒有澡身浴德致其潔清以先其心也陳言而伏入告其君

不揚於外言而正之上不知也默而翹之又不知為急

也以清靜事君因事而正之則君不知默而發之所以為不為也不臨深而為高不加

少而為多言不因勢位而自矜莊也世治不輕世亂不沮同己

不與異己不非達而必以其道窮而必行其志不以同己而與不以異己而非其特立

獨行有如此者儒有上不臣天子下不事諸

侯慎靜尚寬砥礪廉隅強毅以與人博學以

知服服力也近文章雖近文不勝質雖以分國視如錙銖十銖為銖

八兩為錙言輕也弗肯臣仕其規為有如此者儒有合

志同方營道同術竝立位相等也則樂相下位相讓也不厭

與齊等也久別則聞流言不信記有其行本方立義六字明其所以不信之義義同

而進記將義字屬上不同而退同謂與友也其交記有友字有如此者

夫溫良者仁之本也慎敬者仁之地也寬裕

者仁之作也作為也一子賀切遜接者仁之能也禮節

者仁之貌也言談者仁之文也歌樂者仁之

和也分散者仁之施也儒行之八者既歷數以告哀公而終之以仁仁者百行之原也

儒皆兼而有之一兼下有此事猶且不敢言仁也其尊

讓有如此者儒有不隕獲於貧賤隕獲墜割也一說憂悶不

安之貌不充詘於富貴充詘驕吞也一說踴躍參擾之貌不溷君王不

累長上不閱有司溷辱也累罣碍也閱傷也言不受於君長有司也故曰

儒儒者有道術之名今人之名儒也妄句常以儒相詬

疾詬疑作譖毀也疾惡也妄竊儒名故為人之所毀惡也切哀公既聞此言

也言加信行加敬曰終歿吾世弗敢復以儒

為戲矣

問禮第六

哀公問於孔子曰大禮何如子之言禮何其

尊尊猶重也孔子對曰丘也鄙人不足以知大禮公

曰吾子言焉孔子曰丘聞之民之所以生者

禮為大非禮則無以節事天地之神祭以事天地之神皆

以禮為儀節神兼百神言非禮則無以辨君臣上下長幼之

位焉非禮則無以別男女父子兄弟婚姻親

族疏數之交焉是故君子以此此指禮也為之尊敬

尊敬謂大也然後以其所能教順百姓易曰禮非強世所謂順也不

廢其會節此總前言會謂理之所聚而不可遺處節謂分之所限而不可過也既有

成事成事謂誨日筮吉而事可成也然後治其雕鏤祭器文章黼

黻祭服以別尊卑上下之等其順之也順謂人無違心也

而後言猶明也其粢祭之紀宗廟之序品其犧牲

設其豕腊乾肉曰腊脩其歲時以敬祭祀別其親疏

序其昭穆而後宗族會宴一作醯即安其居以綴

恩義卑其宮室節其服御車不雕璣器不彫

一作刻鏤食不二味心不淫志疑作慝以與萬民同利

古之明王行禮也如此公曰今之君子胡莫

之行也孔子對曰今之君子好利無厭淫行

不倦荒怠慢游固如固獲之固力取也民是盡以遂其心

以怨其政以忤其衆以伐有道求得當欲不

以其所言苟求得當虐殺刑誅不以其治理也夫

昔之用民者由前用上所言今之用民者由後用下所言是

即今之君子莫能為禮也

言偃問曰夫子之極言禮也可得而聞乎孔

子言我欲觀夏道是故之適也杞夏後封杞而不足徵

徵證也吾得夏時焉於十二月之止正夏數得天心之中或謂即夏小正之屬小正夏之書名也

我欲觀殷道是故之宋殷後封宋而不足徵也吾得

乾坤焉得天地陰陽之書即易也商易曰歸藏歸藏首坤次乾故也乾坤之義夏

時之等也例也吾以此觀之夫禮初也記作禮之初始於

飲食太古之時燔黍擘豚古未有釜醜以米肉加於燒石之上熟而食之

汙罇而抔飲罇地為罇掬手而飲。杯蒲侯切蕡桴蕡桴推也蕡。具位切桴。房鳩切

而土鼓猶可以致敬於鬼神享其德不求備物也及其死

也升屋而號曰高高作臯引聲之言其死者之名復然後既不復然後以

下乃行死事飲腥苴熟死始含以珠貝將葬苴以遣奠而送之形體則降魂

氣則上是為天望而地藏也氣上故望天而招體降故穴地而藏故

生者南嚮死者北首皆從其初也昔之王者

未有宮室冬則居營窟夏則居橧巢橧巢居謂之

營窟柴為櫓在樹曰巢未有火化食草木之實鳥獸之肉

飲其血茹其毛毛未盡而食曰茹未有絲麻衣其羽

皮後聖有作後然脩火之利範金用刑範治金為器也合

土和合泥土為陶器也以為臺榭宮室戶牖以炮以燔

毛爇曰炮燔火曰燔以烹以炙沈而煮之釜曰烹貫而置之火曰炙。沈直禁切以為醴

酪醴醴酒酪酪漿治其絲麻以為布帛以養生送死以

事鬼神故玄酒在室醴醎在戶粢醎在堂澄

酒在下按禮辨酒之五齊一曰泛齊二曰醴齊三曰盎齊四曰醑齊五曰沈齊室內在北太古用水故尊尚

之戶在室稍南堂在室外下則堂下矣去古漸遠故五者各以等降設之玄酒即泛齊醎即盎齊澄即沈齊。齊才諧切

上聲醎他醴切陳其犧牲備其鼎俎列其琴瑟管磬鐘

鼓以其祝嘏以降其上神上神天神也與其先祖以

正君臣以篤父子以睦兄弟以齊上下夫婦

有所是謂承天之祐言行禮如此則神格而鬼享矣作其祝號按禮祝號

有六神鬼祇牲齎幣也皆美其辭以告神也玄酒以祭薦其血毛腥其俎

此三者法上古禮也熟其穀雖有所熟猶有所腥不忘古也至下合烹則無復腥矣超超越同翦蒲席

也。戶括切席以坐疏布以罩當作幕覆酒布也質故用疏罩衣其浣帛

凍染以為祭服醴醎以獻薦其燔炙君與夫人交獻以

嘉魂魄嘉善樂也是謂合莫契合於冥漠之中也此以上至熟其穀法中古禮也然後退

而合烹合其烹熟之體無復腥也體其犬豕牛羊體謂解其牲體而薦之也

實其簠簋豆簠簋詩傳作瓦器以盛黍稷籩竹器豆木器以盛棗核俎醢羹

銅器如鼎和羹之器也祝以孝告以通孝子語於先祖嘏以慈告以傳先祖語於

孝子是為大祥祥善也合烹以下此當世之禮也此禮之大成也

五儀解第七

哀公問於孔子曰寡人欲論魯國之士與之

為治敢問如何取之孔子對曰生今之世志

古之道居今之俗服古之服舍此而為非者

不亦鮮乎曰然則章甫紉履紳帶搢笏者賢

人也章甫冠名紉履頭之飾也紳大帶搢插也笏所執以書思對命者

孔子曰不必然也丘之所言非此之謂也夫

端衣玄裳冕而乘軒者則志不在於食端衣玄裳

軒袞管蒹蒹管草履名一作蒹夏曰蒹周曰履杖而歃粥者

則志不在酒肉生今之世志古之道居今之

俗服古之服謂此類也言服其服則制其心也公曰善哉盡

此而已乎孔子曰人有五儀有庸人有士人

有君子有賢人有聖人審此五者則治道畢

矣公曰敢問何如斯謂之庸人孔子曰所謂

庸人者心不存慎終之規口不吐訓格格法也之

言不擇賢以托其身不力行以自定見小闇

大不知所務從物如流不知其所執荀有五鑿為正心從

而壞言五鑿之正為物所誘也此則庸人也公曰何謂士人孔子

曰所謂士人者心有所定計有所守雖不能

盡道術之本必有率也率猶行也雖不能備百善之

美必有處也處猶守也是故知不務多必審其所知

言不務多必審其所謂行不務多必審其所

由言所務者皆必得其要也知既知之言既道之行既由之

則若性命之形骸之不可易也言若性之所命形之所賦之不移

富貴不足以益貧賤不足以損此則士人也

公曰何謂君子孔子曰所謂君子者言必忠

信而心不怨怨咎也荀作德言不自以為德仁義在身而色無伐

無伐善之色思慮通明而辭不專不專不尚言也篤行信道自

強不息油然若將可越而終不可及者君子

也油然不進之貌一作猶舒遲也不及謂從之未由也公曰何謂賢人孔子曰

所謂賢人者德不踰閑閑闕也行中規繩言足以

法於天下而不傷於身言滿天下無口過也道足以化於

百姓而不傷於本

本亦身也荀作行中規繩而不傷於本言足法於天下而不傷於身

富則天下無宛財

宛古作苑私積也德惠而天下化之不獨富也

施則天下

不病貧

德普而天下賴之不獨貧也

此賢者也公曰何謂聖人

孔子曰所謂聖者德合於天地變通無方窮

萬事之終始協庶品之自然敷其大道而遂

成情性

謂萬物之情性

明竝日月化行若神下民不知

其德觀者不識其鄰

鄰以喻界畔也

此謂聖人也公曰

善哉非子之賢則寡人不得聞此言也雖

然寡人生於深宮之內長於婦人之手未嘗

知哀未嘗知憂未嘗知勞未嘗知懼未嘗知

危恐不足以行五儀之教若何孔子對曰如

君之言已知之矣則丘亦無所聞焉

謂君如此言則為已

知之矣故吾無復所言矣謙已以誘進乎哀公也

公曰非吾子寡人無以啟

其心吾子言也

也疑作之

孔子曰君入廟如

一作而右登

自阼階仰視榱椽俯察機

機几同

筵其器皆存而

不覩其人君以此思哀則哀可知矣昧爽夙

興正其衣冠

昧爽始明也夙興早起也

平旦視朝慮其危難

一物失理亂亡之端君以此思憂則憂可知

矣日出聽政至於中冥中日中也冥秋中也日昃曰昞諸侯子孫

往來為賓行禮揖讓慎其威儀君以此思勞

則勞亦可知矣約網繆及覆之貌然長思出於四門周

章征營之貌遠視一作望覩亡國之墟必將有數焉言亡國故墟不

止於一也君以此思懼則懼可知矣夫君者舟也庶

人者水也水所以載舟亦所以覆舟君以此

思危則危可知矣君既明此五者又少留意

於五儀之事則於政治何有失矣

哀公問於孔子曰請問取人之法孔子對曰

事任於官官所司也言各當以其所能之事任之也無取捷捷無取跽跽

無取啍啍捷敏疾也跽妄對不誠也啍多言也捷捷貪也捷捷不已所以為貪跽

跽亂也啍啍誕也誕欺詐也故弓調而後來勁焉馬

服而後求良焉士必慤而後求智能者焉不

慤而多能譬之豺狼不可邇言人無智者雖不慤信不能為大惡不慤

信而有智能然後乃可畏也然

哀公問於孔子曰寡人欲吾國小而能守大

則攻守自守也攻攻人也其道如何孔子對曰使君朝廷

有禮上下和親天下百姓皆君之民將誰攻

之一說公意小欲能守如大國則我攻何故苟違此道民

畔畔叛與同切如歸各有所歸皆君之讎也將與誰其守公

曰善哉於是廢山澤之禁弛關市之稅以惠

百姓

哀公問於孔子曰吾聞君子不博有之乎孔

子曰有之公曰何為對曰為其有二藥一曰物雙曰藥

公曰有二藥則何為不博子曰為其兼行惡

道也博有三十六道哀公懼焉有間復問曰若是乎君

子之惡惡道至甚也孔子曰君子之惡惡道

不甚則好善道亦不甚好善道不甚則百姓

之親上亦不甚詩云未見君子憂心憂憂也未切

亦既見止亦既覯止我心則說詩之好善道

甚也如此公曰美哉夫君子成人之善不成

人之惡微吾子言焉吾弗之聞也

哀公問於孔子曰夫國家之存亡禍福信有

天命非唯人也孔子對曰存亡禍福皆已而

已天災地妖不能加也公曰善吾子言之豈

有其事乎孔子曰昔者殷王帝辛之世有雀

生大鳥於城隅焉占之曰凡以小生大則國

家必王而名益昌於是帝辛介雀之德介助也

德為不脩國政亢暴無極朝臣莫救外寇乃至

殷國以亡此即以己逆天時說福反為禍者

也此逆天祥而暴致之也又其先世殷王太戊之時道缺法

圯以致妖孽桑穀茲生也于朝七日大拱占之者

曰桑穀野木而不合生朝意者國亡乎大戊

恐駭側身脩行思先王之政明養民之道三

季之後遠方慕義重譯至者十有六國此即

以己逆天時得禍為福者此逆天災而德致之也故天災地

妖所以儆人主者也寤夢徵怪所以儆人臣

者也災妖不勝善政寤夢不勝善行能知此

者至治之極唯明王達此公曰寡人不鄰固

此亦不得聞君子之教也鄰固即前篇實固之意

哀公問於孔子曰智者壽乎仁者壽乎孔子

對曰然人有三死而非其命也已自取也夫

寢處不時飲食不節逸勞過度者疾共殺之

居下位而上干其君外傳作好干上嗜慾無厭而求不

止者刑共殺之以少犯衆以弱侮強忿怒不
類動不量力兵共殺之此三者死非命也人
自取之若夫智士仁人將將行也身有節動靜以
義喜怒以時無害其性雖得壽焉不亦宜乎

孔氏家語卷第一

孔氏家語卷第二

王 肅 注

觀思第八

孔子北遊於農山

山在魯地一作景戌

子路子貢顏淵侍

側孔子四望喟然而歎曰於思致斯無所不
至矣二三子各言爾志吾將擇焉子路進曰
由願得白羽若月赤羽若日鐘鼓之音上震
於天旂旗繽紛下蟠於地蟠委也由當一隊而敵
之必也攘地千里攘却也搴旗執馘搴取也取敵之旂馘敵之耳以效獲

也唯由能之使二子者從我焉夫子曰勇哉

子貢復進曰賜願使齊楚合戰於濟瀆之野

濟瀆廣
大之貌

兩壘相望塵埃相接挺刃交兵賜著綈

衣白冠兵事尚白陳說其間推論利害釋國之患唯

賜能之使二子者從我焉夫子曰辯哉顏回

退而不對孔子曰回來汝奚獨無願乎顏回

對曰文武之事則二子者既言之矣回何云

焉孔子曰雖然各言爾志也小子言之對曰

回聞薰蕕不同器而藏堯桀不共國而治以

其類異也回願明王聖王輔相之敷其五教

敷布也五教父義母慈兄友弟恭子孝也

導之以禮樂使民城郭不脩溝

池不越言無踰越溝池鑄斂戟以為農器放牛馬以原

藪地廣平日曰原澤無水曰藪室家無離曠之思千歲無戰鬪

之患則由無所施其勇而賜無所用其辯矣

夫子凜然而對曰美哉德也

子路抗抗舉手也手而問曰夫子何選焉孔子曰不

傷財不害民不繁詞則顏氏之子有矣

魯有儉嗇者尾鬮鬮即狄切曲脚鼎也莫食食之自謂其

美盛之土型型莫輕切。尾龍小盆也。以進孔子孔子受之而

說如受大牢之饋饋與餽同子路曰瓦甌陋器也

食薄膳也夫子何喜之如此乎夫子曰夫好

諫者思其君食美者思一作念其親吾非以饌具

之為厚以其食厚而我思焉

孔子之楚而有漁者獻魚焉孔子不受漁者

曰天暑市遠無所鬻也思慮棄之糞壤不如

獻之君子故敢以進焉於是夫子再拜受之

使弟子掃地將以享祭門人曰彼將弃之而

夫子以祭之何也孔子曰吾聞諸惜其務餘

餘註同 恐甚切而欲以務施者仁人之隅也匹也惡有仁

人之饋而無祭者乎

季羔為衛之士師獄官刑人之足俄而衛有蒯

聾之亂初衛靈公太子蒯聾得罪出奔晉靈公卒立其子輒蒯聾自晉襲衛時子羔子路並仕於衛也季

羔逃之走郭門刑者守門焉謂季羔曰彼有

缺季羔曰君子不踰又曰彼有竇季羔曰君

子不隧隧從竇出又曰於此有室季羔乃入焉既而

追者罷羔將去謂刑者曰吾不能虧主之法

而親刑子之足今吾在難此正子之報怨之
時而逝我者三何故哉刑者曰斲足固我之
罪無可奈何曩者君治臣以法令先人後臣
欲臣之免也臣知之獄決罪定臨當論刑君
愀愀變色貌然不樂見君顏色臣又知之君豈
一作私臣哉天生君子其道固然此臣之所以說
晚君也孔子聞之曰善哉為吏其用法一也
思仁恕則樹德加嚴暴則樹怨公以行之其
子羔乎

孔子曰季孫之賜我粟千鍾而交益親季平子用孔子

由委吏至司空于鍾祿也自南宮敬叔之察我車也而道加

行孔子欲見老聃而西觀周敬叔言於魯君給孔子車馬問禮於老子孔子歷觀郊廟自周而還弟子四方來學也

故道雖貴必有時而後重有勢而後行微夫

二子之貺財則丘之道殆將廢矣

孔子曰王者有似乎春秋正其本而萬物皆正文王以王

季為父以太任為母以太姒為妃以武王周

公為子以太顛闕天為臣其本美矣武王正

其身以正其國正其國以正天下伐無道刑

行

有罪而動一天下正其事成矣春秋致其時

致推極也春秋以二始舉四時也而萬物皆及王者致其道而萬

民皆治周公載已行化載亦行也言行已以行化其身正而不令行也而天

下順之其誠至矣

曾子曰入其一作是國也言信於羣臣而留可也

行忠於卿大夫則仕可也澤施於百姓則富

可也孔子曰參之言此可謂善安身矣

子路為蒲宰為水備與民脩溝洫以民之勞

煩苦也人與之一簞食一壺漿孔子聞之使

子貢止之子路忿然不說往見孔子曰由也

以暴雨將至恐有水災故與民脩溝洫以備

之而民多匱也匱乏也餓者是以簞食壺漿而與之

夫子使賜止之是夫子止由之行仁也夫子

以仁教而禁其行由不受也孔子曰汝以民

為餓也何不白於君發倉廩以賑之而私以

爾食饋之是汝明君之無惠而見己之德美

汝速已則可不俯太府作簡則汝之見受罪必

矣

子路問於孔子曰管仲之為人如何子曰仁

也得仁道也子路曰昔管仲說襄公公不受是不辯

也欲立公子糾而不能是不智也按齊襄公立無常。無常

度也鮑叔牙曰君使民萬亂將作矣奉公子小白出奔莒公孫無知殺襄公管夷吾召忽奉公子糾奔魯齊人殺無

知魯伐齊納子糾小白自莒先入是為桓公乃殺子糾召忽死之家殘於齊而無憂

色是不慈也桎梏而居檻車無慙心是無醜

也言不恥惡事所射之君初魯聞無知死發兵送公子糾入齊而使管仲別將兵遮莒道以拒公子

小白管仲射小白中帶鉤是不貞也召忽死之管仲不死是

不忠也孔子曰管仲說襄公襄公不受公之

闇也欲立子糾而不能不遇時也家殘於齊

而無憂色是知權命也桎梏而無慙心自裁

審也事所射之君通於變也不死子糾量輕

重也夫子糾未成君而管仲未成臣管仲才

度義管仲不死束縛而立功名未可非也召

忽雖死過於取仁未足多也

孔子適齊中路聞哭者之聲其音甚哀孔子

謂其僕曰此哭哀則哀矣然非喪者之哀也

也一驅而前少進見有異人焉擁鑣帶索鑣鑿也

作矣

哭音不哀孔子下車追而問曰子何人也對
曰吾丘吾子也曰子今非喪之所奚哭之悲
也丘吾子曰吾有三失晚而自覺悔之何及
曰三失可得聞乎願子告吾無隱也丘吾子
曰吾少時好學周徧天下後還喪吾親是一
失也長事齊君君驕奢失士臣節不遂是二
失也吾平生厚交而今皆離絕是三失也夫
樹欲靜而風不停子欲養而親不待往而不
來者季也不可再見者親也請從此辭遂投

水而死

孔子曰小子識之斯足為戒矣自是弟子辭
歸養親者十有三

孔子謂伯魚曰鯉乎吾聞可以與人終日不
倦者其惟學為其容體不足觀也其勇力不
足憚也其先祖不足稱也其族姓不足道也
終而有大名以顯聞四方流聲後裔者豈非
學者之效也故君子不可以不學其容不可
以不飭不飭無類無類失親

類宜為貌惟不飭故
無貌禮貌矜莊然後

親愛可久故曰無貌夫親也失親不忠情不相親則心無忠誠也不忠失禮禮以忠信為本

失禮不立不學禮則無以立也夫遠而有光者飭也近而

愈明者學也譬之汚池水潦注焉音桓一朱

惟切音追二音同義細葦也藪也葦生焉雖或以觀之孰知其源

乎源泉源也水注於池而生萑葦觀者誰知其非源泉乎以言學者雖從外入及其用之人誰知其非從此出者乎

子路見於孔子曰負重涉遠不擇地而休家

貧親老不擇祿而仕昔者由也事二親之時

常食藜藿之實為親負米百里之外親歿之

後南遊於楚從車百乘積粟萬鍾累茵而坐

列鼎而食願欲食藜藿為親負米不可復德

也枯魚銜索幾何不蠹言不可復生也二親之壽忽若

過隙孔子曰由也事親可謂生事盡力死事

盡思者也

孔子之郊郊國名少昊之後魯之郊縣也郊子達禮孔子故往諮問焉。郊徒監切遭程子

於塗傾蓋傾蓋駐車而語終日甚相親顧謂

子路曰取束帛五匹曰束以贈先生贈送遺也子路肩然肩然恭貌

對曰由聞之士不中間見中間謂紹介也女嫁無媒君

子不以交禮也有間又顧謂子路子路又對

如初孔子曰由詩不云乎有美一人清揚宛

兮邂逅相遇清視清明揚眉上廣宛美也適我願兮今

程子天下賢士也於斯不贈則終身弗能見

也小子行之

孔子自衛反魯息駕于河梁河水有石絕處曰梁非謂河有梁也而

觀焉有懸水三十仞八尺曰仞圜流九十里水深急則其流回圜

魚鼈不能道行行也鼃鼃不能居有一丈夫方將

厲之以衣涉水曰厲又度也孔子使人竝蒲浪切近也涯止之曰

此懸水三十仞圜流九十里魚鼈鼃鼃不能

居也意者難可濟也丈夫不以措意措一字兩義此著也

後置也遂度而出孔子問之曰子巧乎有道術乎

所以能入而出者何也丈夫對曰始吾之入

也先以忠信及吾之出也又從以忠信措吾

軀於波流而吾不敢以用私所以能入而復

出也孔子謂弟子曰二三子識之水且猶可

以忠信成身成身成其身也親之而况於人乎

孔子將行雨而無蓋門人曰商也有之子夏名商

孔子曰商之為人也甚悒吝於財吾聞與人

交推其長者違其短者故能久也

子貢問於孔子曰死者有知乎將無知乎子
曰吾欲言死之有知將恐孝子順孫妨生以
送死吾欲言死之無知將恐不孝之子弃其
親而不葬賜欲知死者有知與無知非今之
急後自知之

子貢問治民於孔子子曰懍懍焉若持腐索
之扞馬懍懍危懼貌子貢曰何其畏也孔子曰
夫通達之御一作屬皆人也以道導之則吾畜許六切

也不以道導之則讎也如之何其無畏也

魯國之法魯人有贖臣妾於諸侯者皆取金

於府子貢贖人於諸侯而還其金孔子聞之

曰賜失之矣夫聖人之舉事也可以移風易

俗而教導可以施於百姓非獨適身之行也

今魯國富者寡而貧者衆贖人受金則為不

廉則何以相贖乎自今以後魯人不復贖人

於諸侯贖貨也

子路治蒲見於孔子曰由願受教於夫子子

曰蒲其何如對曰邑多壯士又難治也子曰然吾語爾恭而敬可以攝勇寬而正可以懷強愛而恕可以容困溫而斷可以抑姦如此而正也正治也不難矣

三恕第九

孔子曰君子有三恕有君不能事有臣而求其使非恕也有親不能孝有子而求其報非恕也有兄不能敬有弟而求其順非恕也孔子曰君子有三思不可不察也少而不學長無能也老而不教死莫之思也有而不施窮莫之救也故君子少思其長則務學老思其死則務教有思其窮則務施

伯常騫問於孔子曰騫固周國之賤吏也不自以不肖將北面以事君子敢問正道宜行不容於世正道宜行而世莫之能貴故行之則有所不容隱道宜行然亦不

忍世亂則隱然以道為行者亦不忍為隱事

今欲身亦不窮

謂能容也

道亦

不隱為之有道乎孔子曰善哉子之問也自丘之聞未有若吾子所問辯且說也辯當其理得其說矣丘

嘗聞君子之言道矣聽者無察則道不入聽者不明

察則其道不能入奇偉不稽則道不信聽者不能考其奇偉不羣則道不見信言苟

非其人道不虛行又嘗聞君子之言事矣制無度量則

事不成其政曉察則民不保政太曉了分察則民不能安矣又嘗

聞君子之言志矣剛折不終剛則折矣不終其性命徑易

者則數傷徑輕也志輕則數傷於義浩倨者則不親浩倨簡畧不恭之貌如是

則人不親矣就利者則無不敝言好利者必不可久又嘗聞養世

之君子矣從輕勿為先從重勿為後赴憂患從勞苦輕者

宜為後重者宜為先不適己自便也見像而勿強像法也見法而已不以強世也陳道而

勿怫怫詭也陳道而已此四者丘之所聞也

孔子觀於魯桓公之廟有欹器焉欹傾異也切夫子

問於守廟者曰此謂何器對曰此蓋為宥宥一

作右與宥同勸也坐之器孔子曰吾聞宥坐之器

虛則欹中則正滿則覆明君以為至誠故常

置之於坐側顧謂弟子曰試注水焉乃注之

水中則正滿則覆夫子喟然歎曰嗚呼夫物

惡有滿而不覆哉子路進曰敢問持滿有道

乎子曰聰明叡智守之以愚功被天下守之

以讓勇力振世守之以怯富有四海守之以謙此所謂損之又損之之道也

孔子觀於東流之水子貢問曰君子所見大水必觀焉何也孔子對曰以其不息且徧與

諸生諸生謂萬物也而不為也物得水而後生水不與能而又不德夫水有似

乎德其流也則卑下倨拘必必循其理卑一作埤增也

倨一作裾方也拘鉤同曲也言水益卑而或方此似義曲必循其理也。裾居御切拘居侯切亦甚

浩浩乎無屈盡之期此似道流行赴百仞之嶮而不懼此似勇至量必平之此似法盛而

不求概概平斛木也言水盈而不概自平也此似正綽約綽作焯柔弱也微達

此似察發源必東此似志以出以入萬物就

此化潔潔與絜同易曰言萬物之絜齊也絜齊謂物之洗潔而盡出也此似善化也水

之德有若此是故君子見必觀焉

子貢觀於魯廟之北堂出而問於孔子曰向也賜觀於太廟之堂未既輟還瞻北蓋皆斷

焉既盡也輟止也。蓋胡問切扇戶也觀北面之蓋皆斷也彼將有說耶匠之過

也孔子曰太廟之堂官致良工之匠匠致良

材盡其工巧蓋貴久矣貴文也荀子曰因羈節文也尚有說也

尚猶必也
言必有說

孔子曰吾有所恥有所殆殆危也夫幼而

不能強學老而無以教吾恥之去其鄉事君

而逢卒遇故人曾無舊言吾鄙之事君而逢得志而見故人

曾無舊言是弃其素交而無進之之心者也與小人處而不能親賢吾

殆之疎賢而近小人危亡之道也

子路見於孔子孔子曰智者若何仁者若何

子路對曰智者使人知己仁者使人愛己子

曰可謂士矣子路出子貢入問亦如之子貢

對曰智者知人仁者愛人子曰可謂士矣子

貢出顏回入問亦如之對曰智者自知仁者

自愛子曰可謂士君子矣

子貢問於孔子曰子從父命孝乎臣從君命

貞乎奚疑焉孔子曰鄙哉賜汝不識也昔者

明王萬彙之國有爭臣七人則主無過舉天子有三

公四輔主諫爭以救其過四輔者前疑後丞左輔右弼也千彙之國有爭臣五

人則社稷不危也諸侯有卿及內外股肱之臣凡五人百彙之家有

爭臣三人大夫有室老家相邑宰凡三人能以義諫爭則祿位不替父

有爭子不陷無禮士有爭友不行不義士雖有臣既微

且陋不能以義匡其主故須朋友之諫諍然後不行不義之事也故子從父命矣詎為

孝詎猶豈也臣從君命矣詎為貞夫能審其所從詳審其所

從之宜與不宜之謂孝之謂貞矣

子路盛服見於孔子子曰由是倨倨倨與裾同言其服盛

而氣傲也者何也夫江始出於岷山其源可以濫觴

按韓詩外傳為不足濫觴言其微也及其至於江津不舫舟不避風

則不可以涉非惟下流水多邪下流水多故使人畏服盛氣盈則衆

之畏今爾衣服既盛顏色充盈天下且孰肯以

非告汝乎子路趨而出改服而入蓋自若也

子曰由志之吾告汝奮於言者華自矜於言者華而無實

奮於行者伐矜於行者自伐其功夫色智而有能者知見於色自有

其能小人也故君子知之曰知言之要也不能

曰不能行之至也言要則智行至則仁既仁

且智惡不足哉

子路問於孔子曰有人於此披褐而懷玉何

如褐賤者服子曰國無道隱之可也國有道則衮冕

而執玉衮冕文衣盛飾也

好生第十

魯哀公問於孔子曰昔者舜冠何冠乎孔子
不對公曰寡人有問於子而子無言何也對
曰以君之問不先其大者故方思所以為對
公曰其大何乎孔子曰舜之為君也其政好
生而惡殺其任授賢而替不肖德若天地而
靜虛化若四時而變物是以四海承風暢於
異類鳳翔麟至鳥獸馴德馴順習也無他好生故也
知人無言之之心也君舍此道而冠冕是問是以緩對

孔子讀史至楚復陳

陳夏徵舒弑其君楚莊王討之因縣陳而取之申叔時諫莊王

從之還復陳

喟然歎曰賢哉楚王輕千乘之國而重

一言之信匪申叔之信不能逢其義匪莊王之賢不能受其訓

孔子嘗自筮其卦得賁焉愀然有不平之狀
子張進曰師聞卜者得賁卦吉也而夫子之
色有不平何也孔子對曰以其離耶在周易
山下有火謂之賁離下艮上為賁非正色之卦也夫質
也黑白宜正焉今得賁非吾兆也以其飾也吾聞丹

漆不文白玉不珣何也質有餘不受飾故也

孔子曰吾於甘棠見宗廟之敬也甚矣即伯聽獄於棠

樹之下民作甘棠之詩思其人必愛其樹尊其人必敬其

位道也

子路戎服見於孔子拔劍而舞之曰古之君

子固以劍而自衛乎孔子曰古之君子忠以

為質仁以為衛不出環堵之室而知千里之

外有不善則以忠化之侵暴則以仁固之何

待劍乎子路曰由乃今聞此言請攝齊以受教

齊棠不緝也受教者攝齊升堂

楚恭王出遊亡烏嗥之弓良弓之名左右請求之

王曰止楚王失弓楚人得之又何求之孔子

聞之惜乎其不大也不曰人遺弓人得之而

已何必楚也

孔子謂魯司寇斷獄訟皆進眾議者而問之

曰子以為奚若某以為何若皆曰云云如是

然後夫子曰當從某子幾是近也重獄事故與眾議之

孔子問漆雕憑曰子事臧文仲武仲及孺子

容此三大夫孰賢對曰臧氏家有守龜焉名曰蔡文仲三年而為一兆武仲三年而為二兆孺子容三年而為三兆憑從此之見若問三人之賢與不賢所未敢識也孔子曰君子哉漆雕氏之子其言人之美也隱而顯言人之過也微而著智而不能及明而不能見孰

克如此克能也而宜為如也

魯公索氏先落反

將祭而亡其牲孔子聞之曰公索氏不及二年將亡後一年而亡門人問

曰昔公索氏亡其祭牲而夫子知其將亡何也曰夫祭者孝子所以自盡於其親將祭而亡其牲則其餘所亡者多矣若此而不亡者未之有也

虞芮二國爭田而訟連年不決乃相謂曰西

伯仁人也西伯文王盍往質之盍何不質正也入其境則耕

者讓畔行者讓路入其邑男女異路斑白不

提挈入其朝士讓為大夫大夫讓為卿虞芮

之君曰嘻吾儕小人也等儕不可以履君子之

庭遂自相與而退咸以所爭之田為闢田矣
孔子曰以此觀之文王之道其不可加為不
令而從不教而聽至矣哉

曾子曰狎甚則相簡莊甚則不親是故君子
之狎足以交歡其莊足以成禮孔子聞斯言
也曰二三子志之孰為參也不知禮也

哀公問曰紳委章甫委委兒章甫冠名也有益於仁乎孔
子作色而對曰君胡然為衰麻苴杖者志不
存乎樂非耳弗聞服使然也黼紱袞冕者容

不褻慢非性矜莊服使然也介冑執戈者無
退懦之氣非體純猛服使然也且臣聞之好

肆不守折言市弗能為廣好肆不守折也而長者不為市言長者之行則不為

市買竊夫其有益與無益君子所以知竊宜

孔子謂子路曰見長者而不盡其辭雖有風
雨吾不能入其門矣故君子以其所能敬人

小人反是

孔子謂子路曰君子以心導耳目立義以為
勇小人以耳目導心不遜以為勇故曰退之

而不怨先之斯不從已

言人退之不怨先之則可從以足為師也

孔子曰君子有三患未之聞患不得聞既得聞之患弗得學既得學之患弗能行有其德而無其言君子恥之有其言而以無其行君子恥之既得之而又失之君子恥之地有而民不足君子恥之衆寡均而人功倍已為君子恥之

子恥之

凡興功業多少與人同而功殊倍已故恥之

魯人有獨處室者隣之釐婦

釐寡婦也

亦獨處一

室夜暴風雨至釐婦室壞趨而託為魯人聞

戶而不納釐婦自牖與之言子何不仁而不

納我乎魯人曰吾聞男子不六十不聞居今

子幼吾亦幼是以不敢納爾也婦人曰子何

不如柳下惠然姬不逮門之女國人不稱其

亂魯人曰柳下惠則可吾固不可吾將以吾

之不可學柳下惠之可孔子聞之曰善哉欲

學柳下惠者未有似於此者期於至善而不

襲其為可謂智乎

孔子曰小辯害義小言破道關雎興于鳥而

君子美之取其雄雌之有別鹿鳴興於獸而
君子大之取其得食而相呼若以鳥獸之名
嫌之固不可行也

孔子謂子路曰君子而強氣則不得其死小
人而強氣則刑戮存臻豳詩曰殆天之未陰

雨徹彼桑土綢繆牖戶

殆及也徹剝也桑土桑根也
鳴鴉天未雨剝取桑根以纏

綿其牖戶喻我國家積累
之功乃雖成之若此也

今汝下民或敢侮余

今者
周公

時言我先祖致此大功至艱而下民敢侵侮我周
道謂管蔡之亂不可不遏絕之以在周室者也

孔子曰能

治國家之如此雖欲侮之豈可得乎周自后

稷積行累功以有爵土公劉重之以仁及至
大王亶甫敦以德讓其樹根置本備豫遠矣
初大王都豳翟人侵之事之以皮幣不得免
焉事之以珠玉不得免焉於是屬耆老而告
之所欲吾土地吾聞之君子不以所養而害
人二三子何患乎無君遂獨與大姜去之踰
梁山邑于岐山之下豳人曰仁人之君不可
失也從之如歸市焉天之與周民之去殷久
矣若此而不能天下未之有也武庚惡能侮

武庚紂子名祿父
與管蔡共為亂也
節詩曰執轡如組
兩駟如儻之

以服和孔子曰為此詩者其知政乎夫為組者

物紕於此成文於彼言其動於近行於遠也

執此法以御民豈不化乎竿旄之忠告至矣

哉竿旄之詩者樂乎善道告人取喻於素絲良馬如組紕之義

詩書之

孔氏家語卷第二

大王宣

對肅



